

定山堂詩集

定山堂詩集卷二十

七言律詩五

乙百四首

正月二日友沂園次定九玉少達旨慧謙二

上人集寓齋分賦

六首

初三夜洞門園次定九友沂集飲寓齋

二首

仲調至自甓湖以除夕所訂明日看雲還杖

藜之句索賦用杜韻一首時同集者伯紫

友沂園次定九

人口有懷秋岳重用杜韻

人日友沂仲調園次過集寓齋

雨後過友沂樓頭同洞翁仲調飲中分韻

和洞門

和友沂

和仲調

彭疇五司李北上

一首

元夕後三日孝威僅三仙裳諸子雨集寓齋

送藥生觀察之賴上

劉藥生使君返賴諸同人亦歸海陵而余日

將繇京口之白下矣酒酣分韻各有贈言
因預爲留別詩以答

爲友沂有贈

重爲友沂所歡題扇

奉酬冒嵩少先生

和陽叟苟德齋與余先後同乙卯歷年九十

五神明不衰賦贈一章以志人瑞

和牧齋先生韻爲丁繼之題秦淮水閣

又和牧翁金陵中秋待月詩題繼之小冊

過澹心齋中次日枉詩見報和答

二首

友沂寤明伯紫澹心子翥同過寓園小飲卽

事

二首

訪于皇於雞鳴山下薄暮值雨中道遽返悵

焉有作

秋夜同于皇友沂寤明澹心子翥集與治齋

中卽送伯紫之邗江

二首

喜孝威自廣陵至白門

二首

再疊前韻

二首

方子唯奉浣叟先生招同林青仲宋懌先家

弟孝積集同春園

四首

園次至石城同寓市隱園和伯紫韻

二首

海月樓看雨和善持君韻

四首

喜唐髯孫至白下

二首

九月八日張紫浚趙友沂杜于皇紀伯紫姚

寒玉姜子翥鄧孝威家弟孝積同集容與

臺

桃葉怨和友沂韻

十首

邦江春夜園次招同定九穆倩集玉琴齋限

韻二首

友人招飲園亭二首

崔興我侍御携具過草堂用少陵嚴中丞枉
駕韻

同祁止祥張釋恭王于一許力臣師六陳其
年看玉蘭

曉懷六十初度

雨後過辟疆寓齋聽小溪度曲是爲友所故

居因并寄懷

四首

穀雨前二日集玉琴齋見梁間新燕

送春用王摩詰酌酒與裴迪韻

于皇四十詩和園次韻

八首

元日雙鶴紀祥和梁公狄韻

陳古公追送淮干和答

河上和別唐祖命翁壽如

寄題新柳草堂

四首有序

史筆公水部招飲署齋賦謝

贈清源霍龍淮水部此地舊爲袁籜菴推差

公署余五年前南還曾集于此

留謝袁六完農部

盧紫房先生留飲畫扇齋賦謝

四首

和答孝威秋日得予濟上書

四首

人日重用杜韻懷秋岳

客歲人日舟中于皇伯紫諸君送至燕磯而

返再用杜韻寄懷

前歲人日客廣陵趙友沂姚仙期白仲調吳

園次劉玉少宗定九諸子過飲三月杜韻
寄懷

寄答周玉長

宋旣庭過小齋論詩因懷秋岳卽用其扇頭

韻二首

送盛順伯還丹陽

二首

定山堂詩集卷二十

姪嘉稽

淮南龔鼎孳孝升著

男士祺全較

弟鼎璚孝積訂

士稚

七言律詩五

正月二日友沂園次定九玉少達旨慧謙二

上人集寓齋分賦

閉戶潛龍守一爻
冰回大壑縱饑蛟
椒花客路樽
仍綠鐘鼓晴城晚
自敲日有求
羊開竹徑將依雲

鶴老松巢隱囊白
拾逢春健醉眼從看俠少交

其二

淮海輕帆破石尤
草亭春色坐應劉
天涯談笑纔三日
望裏鶯花又九州
南渡事經垂柳眼
東風人白感時頭
銅壺且對華燈永
身世量沙不易籌

其三

蕭瑟蕪城帝子家
春陰小閣有啼鴉
辛盤細許青行菜
幽谷吟如午焙茶
繡羽漸新江國壘
征旗莫近草堂花
飄零生事成嵇懶
歌枕能停竹外車

其四

歸到烏衣問角巾，但留花事豈辭貧。
蕭條松桂今何地，商略漁樵幸有人。
天下英雄惟縱酒，近來經竹易傷春。
軍書尚礙青霞路，安得山薇餉逸民。

其五

林澗春生野興酣，短筇山北又山南。
樹荒宣武圍仍十，風急漁陽鼓更三。
道在江湖偕隱近，家餘藜藿著書貪。
狂歌莫話封侯事，一臥滄洲賤不慙。

其六

百年歌苦望知音
庾信傷多只至今
玉馬銅仙何代事
銀樽錦瑟可憐心
春來芳樹聞鶉語
雲去空江縱鶴尋
詞賦西京俱老健
不令鄭衛感風淫

初三夜洞門園次定九友沂集飲寓齋

白眼相憐玉案青
繞花鞭爲酒人停
兵戈萬里爭春色
梅柳連江湧翠屏
望去乾坤湘澤路
時友沂欲先歸
楚中坐深燈火草
玄亭五湖踪跡悲
歡裏多少東風起
聚萍

其二

晴日衣香報踏青一分草碧雪初停海雲高閣吹
花幔石圃春星放竹屏絳蠟自消深淺酒黃鸝愁
隔短長亭碎壺擊筑聊今夕未覺當饑憶楚萍

仲調至自甓湖以除夕所訂明日看雲還杖
藜之句索賦用杜韻一首時同集者伯紫
友沂園次定九

幽禽難定一枝棲江國春陰卽漸啼此夜歲華爭
曉暮他鄉踪跡聚酸淒湖天悵望猶生色城闕蒼
茫有戰輶何地端星傳太史東風晴到野人藜

人日有懷秋岳重用杜韻

對酒吳城如昨日草堂詩就笑相看
天涯雲物愁中換江上音書雁後寒
梅發碧山思共艇路窮玉軫惜孤彈
金花栢葉紛惆悵未別那知聚首難

人日友沂冲調園次過集寓齋

消愁進酒復當歌步屨時看破雀羅
人日江湖殘雪後王春風雨聚星多
北山寒盡迴香草南浦雲繁長碧波
萬里吳鴻兼楚雁爲憐花勝對蓬科
雨後過友沂樓頭同洞翁仲調飲中分韻

作賦誰稱屈宋才高齋今雨客能來漏深曲巷疎
燈合屐踏春泥薄醉迴時友沂仲調赴飲歸各有旅愁遲倚
楊相憐花事勇銜杯芳時惜別兵戈裏莫遣懷人
晚上臺

和洞門

天涯草色動旌旄戰地柔風自怒號張楚人同良
夜醉過江愁與暮雲高一門繡虎爭迴席萬里哀
鴻獨叫曹避世不辭名姓隱長空矰繳細如毛

和友沂

定山堂詩集

四

入望山河氣鬱蒼
江潮猶送杜蘅香
蘭臺賦就人如玉
草閣春寒夕有霜
虎豹東西愁割袂
鴛鴦七十欲成行
天風激蕩博前興
不辱泥塗識夜光

和仲調

東亭複壁是何年
經亂相逢賦酒仙
處士座能高北海
拾遺詩只紀西川
眼枯江左滄桑後
人聚春風燕雀前
畏路歲華還共惜
登樓日日倚湘絃

彭疇五司李北上

垂楊初拂錦連錢
萬里春雲動玉鞭
楚國才名仍

倚相漢廷經術一彭宣鴻飛井堞黃蒿斷虎擁軍
麾碧嶂懸前席有書先定亂中原實望止戈鋌

其二

揚州花月海門潮有客乘槎弄碧簫幾日江樓同
對酒早春燕市忽鳴鑣風高易水衣難薄臺散黃
金草未銷誰問山農舊踪跡爲言無夢到雲霄

元夕後三日孝威僅三仙裳諸子雨集寓齋
送藥生觀察之潁上

望遠頻登海上臺早春旌節傍花開雙燈細度秦

青曲三歲難忘袁紹杯舊雨到門重折柳清水照
閣一題梅芳時莫惜爲歡永金甲乾坤玉漏催

劉藥生使君返潁諸同人亦歸海陵而余且
將繇京口之白下矣酒酣分韻各有贈言

因預爲留別詩以答

冥鴻漸逐戍雲東北固潮生細雨中送客青山兼
惜別到江碧樹遠浮空百年道路惟樽酒六代鶯
花又短蓬玉漏漸停風笛起傷離吾鬢欲成翁

爲友沂有贈

春雲日傍畫簾多垂柳人輕似綺羅天畔朱樓容
斷仙樽前青眼得高歌衣香繞瑟三更月花雨浮
湘一尺波莫唱何戡渭城曲離鴻海燕半愁訛

重爲友沂所歡題扇

王郎天壤竟情多宋玉衣香許拂羅花下每分平
叔粉人間誰記念奴歌曉風殘月春如此細雨輕
帆愁奈何訝道粧成臨鏡立鬚眉巾幘一時訛

奉酬冒嵩少先生

海門飛櫂捲潮香玉案遙傳白雪章才子喜逢王

定山堂詩集

六

大令耆英實憶魯靈光
梅花古驛連官閣
絲竹東山抗首陽
同是貞元舊朝士
太平風物已蒼茫

和陽叟苟德齋與余先後同乙卯歷年九十

五神明不衰賦贈一章以志人瑞

猶龍道德本嵯峨
南極星高動薜蘿
綺里衣冠三

代偉義熙甲子六朝多

翁在先朝已開六帝

傳家應誦賓筵

什客詔先尊孝悌科後進
喜公同紀歲可容平世

老婆娑

和牧齋先生韻爲丁繼之題秦淮水閣

開元白髮鏡中新朱雀花寒夢後春粧閣自題偕
隱處踏歌曾作太平人烏啼楊柳仍芳樹鷗鷺風
波有定身騾騎武安門第改一簾烟月未全貧

又和牧翁金陵中秋待月詩題繼之小冊

江城涼晚碧雲浮絡緯猶啼古石頭一雁關河迴
夜色百年風露屬高秋聞砧故國難看月搔首青
天欲寄愁多少樓臺兵甲裏玉簫金角兩悠悠

過澹心齋中次日在詩見報和答

四山秋響動虛堂許客披帷玉雪香病起匡牀幽

話滿坐深飛雨石蘿長經年邗水遺蘭珮自古才
人盛柏梁高咏四愁還閉戶臺城終日下斜陽

其二

空山芝桂露初零花落猶聞唱後庭東野雲從今
雨合南朝山對少微青文章事大誰同調世路愁
多敢獨醒吾病欲瘳餘懶放陰何佳句抵參苓

友沂寤明伯紫澹心子翥同過寓園小飲卽

事

青林松桂愜躋攀幽客過逢爲解顏戶外笙歌淒

野老秋來風雨響鍾山雲移石榻清樽動涼到簾
鉤宿鳥還偃蹇病夫車馬絕今宵花徑不須關

其二

搖落高楓故壘平彈箏擊筑總理名庭花咏就憐
江總秋草園荒卧長卿風月遣愁宜永夜關山橫
笛入邊聲吳鴻楚鴈來千里同看潮迴建業城

訪于皇於雞鳴山下薄暮值雨中道遽返悵

焉有作

杜陵草堂雞鳴麓巾車日暮遙相求未知草堂隔

近遠但見山色橫
清秋江雨欲來樹
忽暗臺城無人雲
自流何時力疾更
策杖坐爾高齋散
百憂

秋夜同于皇友沂
寤明澹心子翥集
與治齋

中卽送伯紫之邦江

幽林把臂鴈來初
醉簡秋窻種橘書
江左談清人再見
名山史就世何如
難看落月淒猿鶴
欲別當風囑鯉魚
石馬路寒雲物在
相逢莫遣酒杯疎

其二

乾坤歌哭不成狂
五柳先生一草堂
埋照細傾中

夜酒悵離微憶隔簾霜

客冬邗江夜集
送伯紫還白門

高城玉漏

同秋思暮雨銅駝舊帝鄉搖落未須傷楚客過江
風物總悲涼

喜孝威自廣陵至白門

隔岸斜陽下遠峰停颿人聽瓦官鐘愁深香草經
年別秋滿新亭一鴈逢謝眺江山愁獨往靈均龜
策擬何從因君憶踏隋堤路仲蔚蓬蒿迴白封

其二

寒雨蕭疎過秣陵樹猶如此暮烟凝到門客續春

定山堂詩集

卷二

九

前話惜夜星分醉後燈白衿報霜秋皎皎青谿闊
世碧層層轉蓬莫怨虛叢桂鼓角連江臥不能

再疊前韻

支筇涼擬問諸峰秋響難聞六代鐘舊摘菊花寒
未放相憐蘿薜懶仍逢百年身世銜杯盡勝日林
臯把臂從蕭瑟過江名士意忍辭屐齒破苔封

其二

牛渚風烟接廣陵夢中顏色月華凝舫移江館三
更笛蟲亂秋堂一樹燈戰鼓正鳴清露候樵青莫

上最高層閉門搖落無餘事乘興歌呼野客能

方子唯奉浣叟先生招同林青仲宋懌先家
弟孝積集同春園

涼陰十畝辟疆園花底同開卜夜樽池引雙桐翻
墜露天容五柳種當門賓朋興集應劉簡節物秋
搖屈宋魂叢桂小山煙雨外兵戈飄泊不堪論

其二

金粟繁開薜荔香玉壺凝露碧波涼授衣鴻鴈迴
荒磧帶甲乾坤有草堂星聚荀陳占大隱時窮嵇

阮諱清狂鳳臺何夕殘春酒移對秋齋旅話長

丙春

子唯招飲
于鳳遊里

其三

宅去羅舍爲買園青山未改舊遊樽邊笳戍鼓今
何夕煙水樓臺共一門湖海有情重對酒梁陳無
客不消魂蒼茫李杜齊名事落葉寒鐘忍更論

阮翁

談孩未先生詔
獄時事甚悉

其四

亭臯過雨屐痕香搖落殘蟬萬樹涼叢菊遠荒徵

士徑秋蘭初放美人堂頻揮綠酒愁難醉一臥青
山嬾更狂永夜班荆風露下寒更特爲故交長

園次至石城同寓市隱園和伯紫韻

連陰畫舸載征刁萬里軍聲起沈寥沙笛正憐幽
巷滿秋鴻還似隔江招山川屐好尋王謝歌誦篇
應首帝陶爛慢春星橋上別霜華枯到雨餘蕉

其二

豈有魚鹽利逐刁且偕幽客對窈窕蒼雲選徑耽
中聖急雨鳴秋纈大招鐘報片颿潮隱隱眠清共

被咏陶陶狂夫興就須揮染與爾行園索種蕉

海月樓看雨和善持君韻

芙蓉颯颯雨霏霏醉倚高樓一振衣煙水六橋秋
望後畫圖經歲臥遊稀池翻鴈鶩雲俱濕話到瀟
湘夢亦飛夜永博山香袖並不知生事抽巖扉

其二

卷幔初寒對夕霏空林細雨到羅衣開三徑菊秋
無賴得雨閒人世亦稀月暗鳳臺愁遠眺天清燕
子定雙飛綠簑青箬貧家事六代煙霜護短扉

喜唐髯孫至白下

海陵烟水記初逢，片舸重來謝朓峰。
幾處江山看聚散，一時懷抱際秋冬。
臨風合奏青溪笛，踏月愁聞幕府鐘。
牒驚驛猶未定，那能支枕日高春。

其二

荻蘆風勁一江秋，爲爾停帆上水樓。
破浪客來新鴈後，銷魂別在古溝頭。
時危處士無林壑，興就寒花愜唱酬。
落日臺城憑極目，子山楊柳不勝愁。

九月八日張紫淀趙友沂杜于皇紀伯紫姚

寒玉姜子翥鄧孝威家弟孝積同集容與臺

樽酒淹留落照前
亂峰青放早鴻天
爭來高閣看雲坐
爲損狂夫竟日眠
林色晝寒陶徑柳
藕香秋憶越溪船

客歲此日正在湖上

來朝與劇龍山約買醉還分

種菊錢

桃葉怨和友沂韻

停鞭香散柳絲街
桃葉桃根事總乖
雲雨夜寒三峽夢
鴛鴦信斷六時牌
秋深碧露凝金甃
草滿銅

駝墮玉釵親見畫船雙盞漿落花如霰酒如淮

其二

青谿煙水客愁村羅袖曾招宋玉魂地窘蜂媒無
信使香留蝶夢亦深恩傾城子夜千金笑名士湘
江萬古冤驄馬寶刀俱寂寞壯心消遣到芳尊

其三

景陽宮井濕殘螢絕代人稀玉笛停霜壓皂雕墮
戍鼓夢寒鸚鵡墮簷鈴鮫珠淚瀉銀河碧鴈字雲
依翠黛青咫尺渡江須擊楫不堪風雨濺旗亭

其四

日日臨流賦雜神妝成未訝典裘貧跡憐旅鴈飛
無主天與修蛾禍有因辛苦自經黃檗塢分明難
訴落花身傷心璧月瓊枝後命薄陳隋更此人

其五

長板橋頭花事非珠簾捲盡綠蕪肥煙籠湘水疑
彈瑟柳折章臺望解圍青鳥暗銜芳訊去寒鴉誰
並玉顏歸沾裳更在離情外一曲開元金縷衣

其六

腹轉車輪自抑搔
平移石闕上蘭舠
不存去就臨春閣
如此蒼茫瀚海濤
金谷曉霜飛合浦
玉臺戰壘逼成臯
悲鳴黃鵠原相逐
安得雲霄縱羽毛

其七

戍鼓瞳矐日報衙
棲烏難記莫愁家
殷勤不斷溪邊島
爛熳生憎陌上花
鳳蠟淚乾當月午
鵲橋鄰近是天涯
金樓一下葳蕤鏰
錦瑟香奩已綴蝸

其八

九秋燈火玉琴傍
銀臂盟深七寶牀
幾夜畫屏宮

鬢香當時私語侍兒妨芙蓉隱霧終憐子楊柳迴
身一就郎玉杵未逢仙液冷霜笳吹散赤絲囊

其九

洞簫雲影暗秦臺綠樹紅窻晝不開麝帶暫停睂
井恨檀槽錯認畫工媒相憐松柏愁車遠誰咏靡
蕪抱壁來挾彈控絃爭意氣長門不信長卿才

其十

窮途酒筑失荆高絲管埋憂未反騷紫幃豈容圍
蔓草白頭真不貴錢刀六朝花鳥淒團扇徹夜風

雷響孟勞惆悵月明腸斷處那禁哀鴈更求曹

邗江春夜園次招同定九穆倩集玉琴齋限

韻

一堦芳草下春星墨靜茶香處士庭幽竹徑憐經

歲改名山燈爲故人青歌翻鳳瑄淹三雅文快蠶

叢闢五丁

園次以制舉藝見示

鴻聚輒愁乖羽翼林中何惜

倒銀瓶

其二

新詩隻字粲華星似有鈞天起洞庭二月正逢梅

信好扁舟一繫柳條青久知名士龍推邴今日揚
州鶴姓丁芳閣夜寒花病後可因嵇阮罄春瓶

友人招飲園亭

荒城煙草綠初繁蔣徑頻傾北海樽雪散春燈人
倚笛梅開幽磻月當軒林中嵇阮心依隱天下應
劉客到門太息路難防薄俗買絲今已繡平原

其二

桃葉煙波在竹西春鷗日傍曲欄棲畫圖開閣雲
常滿蘿薜藏書徑欲迷騎省板輿玄鶴擁烏衣門

巷綠楊齊相逢意氣酣中聖兩到名園醉似泥

崔興我侍御攜具過草堂用少陵嚴中丞枉
駕韻

霞旌錦帶挈雕盤騎吹當門解玉鞍漫道竹西羈
思濶爭知花下酒杯寬鶯啼紅雨如相和人坐春
風總不寒自笑狂夫耽懶放淹留翻得盡餘歡

同祁止祥張穉恭王于一許力臣師六陳其
年看玉蘭

鶴徑芳樽引興遙醉吟已過百花朝素裳綰帶今

何夕寒露清冰迴不消長愛幽人開薜荔恰看瓊
樹倚煙霄歡場莫惜淹歸騎樓閣春陰起玉簫

陳敬仲六十初度

老爾名姬俠客場隋堤垂柳換斜陽平生急難如
賓石四海依人薄孔璋月放金樽浮蟻綠花籠玉
笛傍鴉黃義熙甲子開元曲長伴狂夫盡日狂

雨後過辟疆寓齋聽小奚度曲是爲友沂故
居因并寄懷

衝泥人過草玄亭仲蔚蓬蒿隔院青乍過秦雲結

上曲難沉閨夢井中甕情移楚水幽人瑟夜聚名
山處士星鶯燕併喧花雨急悲歌莫遣旅愁醒

其二

美人誰信滿堂多對酒魂銷子夜歌蘭芷地愁江
鴈遠芙蓉頰憶海雲醅時窮竟合謀歡老情至終
如善怨何樓閣暮寒絲竹動春陰南去接湘波

其三

渭雨頻看折柳條揚州三月聽吹簫人來正愛清
樽近花落今知客路遙綺閣夢回憐笑語名山春

好待耕樵青燈幾照雙魚字目送潯陽已上潮

其四

春盡難看杜曲花醉吟吾欲老煙霞烏啼芳樹非
無淚燕聚空梁亦有家司馬倦遊餘酒債求羊留
得在天涯千秋顧曲推名士銅雀東風起絳紗

穀雨前二日集玉琴齋見梁間新燕

紫陌垂楊縱踏歌樽前風日集陰何春經寒食繁
花減路近離愁芳草多自愛香泥翻玉鏡莫將深
語惱烟蘿飄搖豈是雲霄羽村社年年伴客過

送春用王摩詰酌酒與裴迪韻

雨過江城碧草寬
飛花墮井恰生瀾
一時客興齊中酒
幾日垂楊初拂冠
別路乍先容
我懶東風欲盡
向人寒
隋堤天氣佳
三月鶯燕相嘲已
素餐

于皇四十詩和園次韻

暫對清樽逸興舒
唾壺幽憤未全除
何人爲世差容子
名士傷心欲廢書
春後客愁如早鴈
年來生事遍枯魚
青溪烟水蕪城柳
念爾頻停下澤車

其二

栗里愁看甲子新天涯風物隔芳辰齊梁地老三
湘月麟鳳才欺一飯身潮喜白頭經世故錯將青
眼料他人蹉跎萬事成飄絮不棄狂生獨有貧

其三

惜別魂銷燕子磯江天雪霽浪花微相憐豈爲浮
雲遠不妬翻疑絕代非避地十年輕鳳德出門斜
日過烏衣窮交散盡餘春草燈火蕭疎獨掩扉

其四

鍾山松柏一陪京徒步儒生古道行自許龍門應

忤物却防狗監太知名庭過幽鳥春無賴風捲長
江月有聲罷酒莫談當日事悲歌今已失荆卿

其五

支枕難消十日霖天教妻子飽高吟依人終信謀
生拙知已無如欲殺深豈望過時收泣玉轉憐他
日笑焚琴中郎性僻耽幽賞罪在柯亭一笛音

其六

吾世同君結歲寒瑯玕難報玉爲盤著書大事偏
宜老栖隱完人幸未官曹植繡文爭讓虎嵇康鍛

羽定名鸞高堂色笑因才子梧竹蕭蕭此路寬

其七

薄游經亂怯浮湘疎柳臺城自舉觴無病嘯歌常
失意久安嗔怒似還鄉命當絕險逢鸚鵡貧到難
堪羨鸛鵲好共莫愁翻子夜神仙歲月畫眉長

其八

塵外孤懸海鶴蹤垂綸說劍竝從容陸沉已任王
粲甫臧否還師阮嗣宗結伴好春憐社燕低頭終
日拜雲龍他時採藥如相憶爲報詩成落鴈峰

沅日雙鶴紀祥和梁公狄韻

瑞色晴浮海上城，仙禽雙向百花迎。
爭疑白雪飄金閣，應有青童吹玉笙。
松下調琴石乍濕，林中引子月高鳴。
春雲如鬢扶西母，冉冉華烟夾路輕。

陳古公追送淮干和答

菰蒲烟水逐征程，淮海扁舟送客行。
爾自白衣俾上相，天容丹竈補蒼生。
雲封蘿石懸三徑，賦就星霞粲兩京。
別後莫忘青玉案，文章庾信老偏成。

河上和別唐祖命翁壽如

一葉風高拍古堤中流萬騎忽長嘶

兵舟同
汴河上

戰場

沙白飛鴻斷烟草天迴碧嶂齊擊筑愁過酤酒市

采山相待種瓜畦波濶極目驚千折大壑東行不

可西

寄題新柳草堂

定九邗上草堂成索予題贈漫成一絕句

于園次玉琴齋中比余解維後定九復同

于皇孝威玉少諸子追餞甓湖重理前請

酒語戀戀意殊不忍拒也舟行稍暇得四

詩于嶧山道上黃沙白葦極望蕭然河橋
煙雨便復如夢中事矣是日同別者新齋
坦夫橋梓及達旨上人

種樹何堪歎十圍風前張緒早依依啼鶯三月過
隋苑碧草一庭延落暉築室幽棲消戰伐攀條遲
日惜芳菲永豐坊角青如昨玉笛情多不可揮

其二

茅齋風日古溝荒曾說君家大道傍愁絕故人兼
故國重看垂柳復垂楊青驄客至春酤熟丹粉窻

臨落絮香一曲烏棲花欲盡蕪城殘月白如霜

其三

短簫畫角幾時聞白馬青霞此路分東閣嘯歌知
倍好北山筠桂豈堪焚臨池鼓鍛狂中散倚榻看
山嬾少文不羨玲瓏朱扇底章臺風皺縷金裙

其四

種柳人憐折柳時垂陰夾路綰相思高樓應憶青
簾舫朝雨難忘白苧詞天寶草堂詩史就建安官
渡戰筵悲君身自具封侯骨先遣凝粧少婦知

史筆公水部招飲署齋賦謝

畫省秋風動薜蘿開樽微雨澹星河漢初人物梁
園盛晉後詩名水部多青玉管長揮鳳沼玄圭功
已偃鯨波征鴻一散芳蘭遠矯首中流起浩歌

贈清源霍龍淮水部此地舊爲袁籜菴樵差

公署余五年前南還曾集于此

重過舊雨袁安榻愛誦新吟何遜篇工部才名爭
日月使星氣象動山川西園酒淥冰壺映絳帳風
迴玉筍聯

龍淮門人
多貴盛

萬里秋清高興發煙帆今日

迴登仙

留謝袁六完農部

鳳闕曾搖白玉珂仙郎行處五雲多
十年夢散觚稜月竟夕燈橫錦瑟歌
大業舟霖光作述清門汝穎鬱差我
芳蘅欲贈愁難別又許荀香一座過

盧紫房先生留飲畫扇齋賦謝四首

平原高館夜如何畫扇風清拂芰荷
對酒人如三代上看顏健較五秋多

丙戌秋杪
先生于杜亭

文章盧植原

前輩出處周顒已逝波巖壑蕭條耆舊重揮杯一

聽紫芝歌

其二

杜亭開徑待求羊
今雨扁舟到草堂
天寶詩從兵甲就
義熙身爲菊松長
隱關象緯占遺老
道盡軒農得醉鄉
自愛叩門頻索飲
尊鱸興已屬滄浪

其三

蓬蒿幽巷晚煙封
霞外孤懸海鶴蹤
繡斧昔聞驄是馬
藜牀今許臥稱龍
安車難起王孺仲
薄祿長懷邴曼容
擘藕烹葵清露下
秋風薇蕨一明農

其四

嗟哉風義古難儔
嵇阮林中跡更幽
天下賢豪歸

北海

虞山先生
昔曾下榻

平生師友憶南州

謂雪堂師
遂初子也

漸憐

朔鴈分清夢
一話秋燈並白頭
惜別玉壺重送酒
醉餘揮袂不知愁

和答孝威秋日得予濟上書

河上秋燈照素書
扁舟終日過征旂
懷人夢繞歸鴻月
經亂神傷入雒車
萬里雲山愁虎豹
半生蹤跡愧鱸魚
關心詞賦來江左
重憶羊腸旅恨初

其二

淮南千嶂逼秋青
淮北烽煙接窈冥
京國轉憐王粲賦
乾坤誰問子雲亭
雨昏別路孤帆遠
愁到天涯萬事經
何世可容金馬避
歲星終讓少微星

其三

碧草連江春又生
青驄猶戀竹西行
經年名士同燈火
幾日中原罷甲兵
錦瑟洞簫幽憤事
金刀玉案美人情
沾裳東閣花如雪
吹到關山笛一聲

其四

對策名高自廣川仲華家世本巋然石經虎觀烟
塵後侯印龍驤戰伐前吾懶欲迴中散駕情深一
放孝廉船薊門千載神京地花滿香山月玉泉

人日重用杜韻懷秋岳

西山積雪高千丈似有吳門匹練看關塞鴈迴人
日至滄江龍卧客星寒簪逢詞賦欣長盍冠厭風
塵懶更彈塢鵲柳同春恨發尊前顏色向君難

客歲人日舟中于皇伯紫諸君送至燕磯而

返再用杜韻寄懷

千峯虎踞盤晴雪燕子磯頭共客看萬里春愁蓬
鬢短一江水解暮潮寒節投古寺暄仍滑碁坐幽
林午對彈今日啼烏人散盡應憐燕巾和歌難

前歲人日客廣陵趙友沂姚仙期白仲調吳
園次劉玉少宗定九諸子過飲三用杜韻

寄懷

加飯每傳鴻鴈字浮雲天北一時看遙憐綵勝經
春暖實憶官梅對酒寒短燭乍驚青玉就銀箏日
向碧窓彈因風爲報隋堤月多少煙花別路難

寄答周玉長

海嶠飛鴻雨雪深美人萬里到芳吟
檐花久隔春燈酒賦草猶懸漢殿金
故國黃塵雙鬢色楚江垂柳十年心
歲星游戲仍棲隱待爾狂歌慰陸沉

宋旣庭過小齋論詩因懷秋岳卽用其扇頭

韻

蓬蒿一徑夏雲稠有客談詩到帝州
落日金臺誰買駿雄文寶鼎已函牛
邊沙吹角人難醉宮樹啼鶯晚故留
夢繞吳山松桂碧暫因擊筑破深愁

其二

龍卧江城有釣竿
隋珠仍許五都看
當門蘭蕙青雲拙
入雒文章郢雪寒
宋玉楚臺風自大
東阿白馬興同寬
和歌實愛求羊侶
不爲蒼生望謝安

送盛順伯還丹陽

入雒相看鬢髮蒼
十年蹤跡阻滄桑
畏途自懶嵇中散
古道難忘盛孝章
龍卧東京留黨錮
烏啼北寺共星霜
樽前欲別重牽袂
輦路長楸過夕陽

其二

論交四海鄭當時蘭蒞爲心縞帶知欲殺每連喬
固獄尋盟未爽范張期名山耆舊人先盡

謂天如介生也

孤柱江河老不移空谷莫辭公府辟孝廉名久動
京師

定山堂詩集卷二十一

七言律詩六

百五首

奉和雪堂夫子五章

立秋日過賈膠侯齋中

許葭水還覽湖兼懷同志諸子

二首

李素臣還八寶

爲同年戴巖舉司農壽

二首

友沂初至同登半隱閣看月述懷

四首

雪航侍御還朝

五首

吳雪航侍御招同熊雪堂師金豈凡李梅公
二司馬陳素菴宗伯王鐵山司農集薜雨
堂

越五日雪航復招同欽瞻道莊二侍御飲齋
中

羅欽瞻邀集梅花書屋

黃商侯觀察之天台

送友人任漢陽太守

寄懷霍魯齋侍御

酬雪航見答

二首

和答雪航酬雪堂師及予評詩

又和雪航席間贈梅公司馬鐵山司農

訓和周農父過飲見贈之作兼懷密之

寄懷櫟園方伯

送別閔子宮用

辛卯長至後八日爲嚴子方公初度之辰後

吾始降一日

懷盧子元度

時爲新泰令

寄謝崔興我侍御

送萬工部開來之東萊太守任

送李卿子南歸

投贈李公壽籌

二首

贈某公

二首

友人過集小齋

送魏子下第兼憶玉長周子并漳海黃子

暮秋送冷心蔡之蜀中

二首

喜王玉式至都門

二首

上巳韓聖秋丁野鶴鄧孝威段雨巖白仲調

趙友沂過集聽王子玠度曲

是爲順治九年

和聖秋韻送友沂南還

二首

嚴子方公之蒲州觀察任

朱子旣庭南歸和韻兼柬秋岳

送倪來子南歸

來子春官已上第爲忌者等
勤大對一科

孫子孝若登第歸里

答澹心自白門見懷

二首

題嚴元復冊子

龍松館讌集再贈玉式

二首

送仲調南還和澹心扇頭韻

二首

再疊前韻

二首

王伊人大行南歸省覲

二首

吳雪航招同金豈凡司馬飲羅欽瞻侍御寓

園時欽瞻以言事謫

三首

九日邀同何榕菴成二鴻吳岱觀韓聖秋紀

伯紫鄧孝威李素臣陸吳州王玉式白仲

調何漢源王燕友集慈仁寺毘盧閣登高

遂飲松下用少陵九日諸韻

四首

秋日送雪堂夫子守制歸豫章

八首

送王式叅閩浙幕府事

二首

爲紫玄留行和孝威

二首

爲紫玄送別和孝威

二首

送荒隱主人歸蓬蒿同見末聖秋賦

二首

讀客爲素臣書詩卷有感

二首

素臣將遊武林

成二鴻歸大寒樓詩以送之同孝威分賦

四首

題大寒樓卽用二鴻原韻

四首

再疊前韻

四首

和答陳鵠公兼懷秋岳滙思

定山堂詩集卷二十一

姪嘉禧

淮南龔鼎孳孝升著

男士稹全較

弟鼎璿孝積訂

士稚

順治辛卯迄
丙申存簡稿

七言律詩六

奉和雪堂夫子五章

揭車豈避艾蕭繁
吾道歸與共鹿門
大有蛾眉能誨妬
看人烏喙自言尊
功名總合輸張祿
山谷猶

定山堂詩集

卷三

聞畏邠原碧甃藤陰錐血地那堪風雪對開樽

其二

九苞阿閣再來儀四海清流捉鼻時共凜鷄棲朱

伯厚轉慙皮相魏無知

自嘲不能知人也

七年黨錮何人

意一疏廉頑百世師自爲柴桑欽大節嵯峨同勒

峴山碑

其三

金戈城闕戰雲昏杖履扶携有及門萬嶂烽遮鴻
鴈路三春花濕杜鵑痕藜床蕨飯悲生事白面青

袍感舊恩不信侯芭真老大廿年親授草玄言

其四

入雒空慙薜荔衣蓬蒿經歲獨支扉嵇康禽鹿難
諧友曼倩龍蛇亦當歸雲霧遠山雙黛出天清木
葉一鴻飛頗聞黃閣愁羅雀尊鱸何因羨釣磯

其五

九折曾知行路難五年冰雪臥袁安誰言小草移
蘭畹總爲同心詠竹竿

用樂府白頭吟中語

明月奏絃三歎

發春風吹夢百花寒蒼生今日能高枕神武相從

早掛冠

立秋日過賈膠侯齋中

五陵游俠舊知名，擊筑相過古鳳城。
季布諾能行四海，賈彪謀獨著西京。
秋生韋杜甞杯早，珮有蘭蘅入座清。
不爲雲門膠漆重，何人懸榻待狂生。

許葭水還甓湖兼懷同志諸子

菰蘆烟雨憶離群，黃菊丹楓此送君。
短棹客愁經歲合，高城玉笛九秋聞。
潮平斫鱸漁磯夕，日落停觴鴈嶺雲。
爲逐北山清夢遠，不煩叢桂更移文。

其二

斷杯猶及賦將離
薊北風烟黯自悲
玄度襟開明月夜
荆卿筑散酒人時
眼看世法讎龍性
歸羨山翁號鹿皮
無恙滄浪二三子
朱絃一爲理相思

李素臣還八寶

白鴈青霜客思孤
扁舟秋興滿江湖
書成北闕憐文似
歸及東籬聚酒徒
三府佇聞徵孝秀
一囊吾自遜侏儒
乘春挾策平津閣
猶識狂奴故態無

爲同年戴巖肇司農壽

雁塔聯鑣十九年鳴珂猶憶未央前
一生折檻心長赤八座登朝鬢尚玄
直道每憐龍性在高名翻借虎鬚
全卽今廷論勤推轂四海蒼生絲
竹邊

其二

生巾嶽色動青冥大戴談經重漢
庭管樂盛名今北斗膺滂舊侶已
晨星綠衣日永雙鳩杖丹穴雲
開五鳳翎極目太行烟霧息肯教
花月負銀餅

友沂初至同登半隱閣看月述懷

烟帆曾記別茱萸燕市論文又酒
罍霜滿萬峰人

乍到樓疑百人醉堪扶香燈未夜寒金幣花月經
年負玉壺重向風前三歎立朱絲爲破客愁孤

其二

雪殘鴉鵲漏聲遙江海清樽聚此宵夢去官梅橫
玉笛別來人柳絮春船狂歌月共三千里芳訊寒
通十二潮玩世楚狂聊擊筑五陵日日過金貂

其三

長干烟月記烏桕驪歌遙憐溝水西有客重逢金
跳脫銷魂難唱白銅鞮人來鴈後千山暮話到樽

前一字低檻外殘星搖旅鬢清齋能惜醉如泥

其四

玉泉峯色夜微茫金柝寒催萬戶霜馬過桑乾水
正令書成槐里語仍狂應劉興使青雲薄嵇阮身
難白眼藏何似竹西簫管路一樓燈火對飛觴

雪航侍御還朝

青霜一夕起鴛班有客乘驄萬里還苜蓿夜肥西
極馬葡萄秋人玉門關盛名博望槎同遠往事朱
游監獨攀長爲膺滂生意氣盈廷卿相已摧顏

其二

幾年風采憶簪裾江海應寬禮法疎問樂敢忘吳
季札迴車終望藹相如都亭好攬清流轡公府恒
愁痛哭書資菜進前防側目當門蘭已不禁鋤

其三

寒宵對酒月如霜秉燭重看鬢欲蒼薦墨尚煩存
北海奉襲人盡傲東方百年計向雲霄拙九折心
驚道路長賓戲客嘲君莫問故山松桂未全荒

其四

天門蹀躞縱金羈老驥窮塗總莫悲楚客已聞歌
鳳德漢宮無計改蛾眉夔龍大業群公奮猿鶴心
期舊侶知憑仗綈袍風義在容吾踪跡老鴟彝

其五

與客談詩太華峰

謂王覺
斯尚書

姓名猶自記疎慵一時

詞苑推神駿天下文心忌似龍對酒遠懷嵩少月
放歌同聽未央鐘知君不淺過逢興三徑蓬蒿懶
更封

吳雪航侍御招同熊雪堂師金豈凡李悔公

二司馬陳素菴宗伯王鐵山司農集薛剛

堂

錦席重簾夜倍親誰言京雒有風塵袖中詩草崆
峒雪座上賓朋江海人情重盍簪忘結舌氣當行
酒亦批鱗次公醉醒狂無恙不倚三公恕吐茵

越五日雪航復招同欽瞻道莊二侍御飲齋
中

五夜重逢投轄歡客因休沐興偏寬清霜自逐臺
鳥起初日能消玉枕寒紫鴈黃沙愁入夢紅燈綠

酒報加餐長楸花月還如昔春到同君躍馬看

羅欽瞻邀集梅花書屋

張燈高館美淹留况有南枝散旅愁座入林風香
似水檐涵霜月白於秋名山夢欲移孤艇雄飲歡
如得一州何遜總深東閣興可無分醉到羅浮

黃商侯觀察之天台

玉河堤柳碧垂陰花外驪歌客思侵叔度豈容三
日別天台曾繫十年心樓臺雨過龍湫壯棨戟香
凝燕寢深長使神仙開幕府短筇歸擬訪霞岑

送友人任漢陽太守

驅駒霜色壓蘆溝，千騎行看擁上頭。
漢代公卿曾領郡，楚天風月更登樓。
寒帷樹動晴川出，臥閣花繁戰鼓收。
江渚幾家耆舊在，爲言客夢繞并州。

寄懷霍魯齋侍御

吳峯入望夏雲稠，玉案遙憐有四愁。
尊酒別來稀舊雨，尺書開後是新秋。
夢中青眼逢蘭佩，天下蒼生倚碧油。
誦義獨高徐穉榻，總如狂客自依劉。

時招

飲我
遊禾

定山堂詩集

七言律詩

卷二

酬雪航見答二首

廓落金門大隱心五湖夢豈鬪朝簪
羊腸得汝堪晨夕龍性論交自淺深
市起羽聲愁擊筑爨爨留焦尾
感焚琴謀歡正藉中山釀典午人才首竹林

其二

馬上相逢揖玉鞭別來蓬鬢各風烟
遊同季重稱才子哭爲長沙損少年
萬里白鷗波浩蕩一鉤寒月夜聯娟
貞元烈士同花盡晞髮雲泉付醉眠

和答雪航酬雪堂師及子評詩

霜重門羅歲欲陰，頻驚玉案播來禽。
十年青眼傳前色，三歎朱絃世外音。
猛虎歌殘猶有淚，冥鴻天遠亦同心。
君宗文苑兼師友，鐵壁雙懸雪萬尋。

又和雪航席間贈梅公司馬鐵山司農

翻飛羽翼合浮雲，萬里芳蘭玉佩分。
天路有人知厭亂，窮交垂老畏離群。
江東獨步推文度，今日重來御李君。
爲語收時同努力，灌夫酒語不須聞。

訓和周農父過飲見贈之作兼懷密之

高城鐘鼓逼西清，小閣香膠月乍晴。
玉笛夜寒翻

八
白雪金風花老報玄英尊前萬事寬中散筑裏千秋哭慶卿轉憶飄零詞苑客十年踪跡苦頻更

寄懷櫟園方伯

綈袍曾念朔風寒京雒塵高信路難據地歌容金馬傲移官事等玉門看樽前樂府思公瑾天下詞場起建安惆悵勞勞亭畔柳攀條春至一加餐

送別閔子官用

蕭寺經秋落葉多美人佳句逼陰何却憐薊北青霜酒同憶天南白玉珂閔貢趾迴虛下榻翟公門

冷亦張羅相逢意氣傾年少更待春風擊筑歌

辛卯長至後八日爲嚴子方公初度之辰後

吾始降一日

曾從九畹識芳蓀張楚歸然赤幟存一日長偏憐
馬齒千秋道敢任龍門香凝畫戟官長達雪照綈
袍意自溫莫訝後堂絲竹減彭宣今夕自開樽

懷盧子元度

時爲新奉令

東國雲寒起朔鴻故人京雒正飄蓬遙憐花發河
陽月轉憶香翻楚畹風兵火十年心竝折烟霄萬

里路初通他時詞賦陪雕輦玉簡先銘泰岱功

寄訓崔興我侍御

羅雀庭因尺素喧故人風義藹平原夢中垂柳難
爲別今日芳蘭忌在門政論高名懸北闕青樽舊
雨憶西園雲霄更待花驄步物態春燈與細論

送萬工部開來之東萊太守任

朝來鳴玉鳳池頭

是日長至

執戟爭看擁碧油嚴助承

明初出守君游家世本封侯黃金九列屏間字翠
蓋三山海上樓橫笛未須吹折柳隴梅能緩水曹

愁

送李卿子南歸

草滿銅駝客賦歸
離亭樽酒寸心違
河山雪涕殘詩稿
風雨招魂古帝畿
維下盛推元禮舫
塵中不改士龍衣
高歌未信朱絃折
目送天南行鴈飛

投贈李公壽籌

卿雲瑞紀六飛年
紫闥新開北極邊
金鑑道高能夾日
玉衡心正爲周天
留侯綵戟傳家遠
渭水璜驪遇巷專
造膝治安關大計
蒼生扶杖望台躔

其二

曾聞海國有風塵車轂親推社稷臣歌舞度師楊
僕艦甲兵按堵越來人雲中斧鉞開三面天下安
危繫一身猶記扁舟過畏壘百花絃管畫麒麟

贈某公

鳴鐘列俎鳳池前冠劒星迴尺五天臥護羽旗開
北府家傳詩禮握中權築毬錦幃黃金埒挾彈名
駒白玉鞭後夜風清丹竈熟葯房賓客已神仙

其二

冠蹕長楊逐射熊五陵歸騎擁花驄將軍開閣延
長揖詞客陳詩表大風雲際青童揮玉碗日邊紫
氣耀彤弓樹高油幕森叢桂家世臨淮近八公

友人過集小齋

揮劍曾驚旅鬢疎十年踪跡報雙魚月明燕市人
重聚天子狂奴態未除湖海氣盈中聖酒君親痛
到絕交書藜床龍腹留名士還憶東京部黨初
送魏子下第兼憶玉長周子并漳海黃子

絮帽寒堪朔雪吹千山落葉鴈鴻遲燕臺酒盡金

羈遠長信妝成玉鏡疑此去好尋黃叔度何人更
薦魏無知最憐海角孤吟客北望浮雲有鬢絲

暮秋送冷心榮之蜀中

西陵烟柳對卮杯伐鼓橫簫畫舸迴幾日秋風分
玉珮同時客難滿金臺天晴鵬鶚雲中山峽險魚
龍戰後開擊筑五陵花月散懸知麟閣倚鄒枚

其二

年年走馬自長楸斜日珠鞭傲五侯挾瑟每聞過
趙李開樽頻許對應劉窮交握手同青眼後夜論

心到白頭關隴風烟黃鵠散那堪揮淚解吳鉤

喜王玉式至都門

春寒桃葉盡離觴重揖珠鞭大道傍宮柳夢迴迷
維浦旗亭句好識王郎袖藏錦字香三歲秋早邊
城鴈一行莫厭朱門新意氣雀羅還讓酒人狂

其二

薜荔涼生對舉觴五陵烟月酒壚傍誰將輕薄疑
劉尹自有江山瘦沈郎吳苑落花如有恨茂陵秋
樹可成行當年釣黨聞談虎始訝狂奴態故狂

上巳韓聖秋丁野鶴鄧孝威段雨巖白仲調

趙友沂過集聽王子玠度曲

是爲順治九年

碧窓樽酒聚繁絃風日依稀玉澈邊
韋曲氣佳三紀月末和代易九爲年
招尋花事重游騎浩蕩春情逼杜鵑
荳蔻勿憂蕢葉損當門已讓野夫先

和聖秋韻送友沂南還

韋曲花翻紫綺裘杜鵑聲裏送歸舟
天摧蘭蕙空張楚興勇尊鱸不待秋
純扇凌寒纔上苑玉簫春好又揚州
可堪芳艸簾鉤外南浦斜陽任客愁

其二

緇塵得似白鷗閒
夾道垂楊客共攀
歸去有人同濁酒
生涯何地不柴關
官梅鬢影香東閣
叢桂心期保北山
一曲驪歌顏色改
屋梁月已壓金鑲

嚴子方公之蒲州觀察任

邸舍爭看索米同

余與方公同
需次燕邸

股肱今得重河東

地當蒲坂思淳古
才出蘭臺擅國工
銅墨幾人猶乳虎
兵車一路有飛鴻
登高急攬澄清轡
將相河汾道未窮

宋子旣庭南歸和韻兼柬秋岳

倦遊還理鹿皮冠
習習隨風萬里翰
春鴈過江花正落
宮蛾絕代鏡愁看
我思公子幽蘭佩
欲報美人雙玉盤
歸去若逢曹植語
近來金馬厭珠珥

送倪來子南歸

來子春官已上第爲
忌者停勒大對一科

有客乘春賦上林
歸鞭翻及落花深
爭傳一笑能傾國
不道三年更捧心
淝水捷書喧屐齒
漢宮題字映貂金
匡時急理天人對
勿學東方任陸沉

孫子孝若登第歸里

獨步江東有仲謀五陵花雨縱扁舟觚稜日麗黃
金賦宮袖香分紫綺裘吳苑鶯啼芳樹遠燕山月
落酒人愁登朝勿秘長沙策兵甲蒼牛恥納溝

答澹心自白門見懷

滹沱霜早羨歸鴻憶爾芳蘭慰轉蓬驚到石城雙
鯉字夢迴玉笛萬山風美人蘿華秋無恙朔客金
裘晚更空多少芙蓉江水上夕陽的的映波紅

其二

碣石陰多客半歸天涯樽酒尙依依翻雲眼倦朱

門戟落月人憐白板扉南徼軍懸秋鼓急臺城柳
暗暮鳥稀心知叢桂傷蕭瑟未及桑乾木葉飛

題嚴元復冊子

謾謾襟懷林下風
我竟日撫孤松青驄自畏衝
泥出時有墜馬之厄丹壑真宜躡
屨從過眼銅駝低落日
隔江錦樹變吳峯
季鷹姓字漁樵識爲掃中林待

短筇

龍松館讌集再贈玉式二首

畫角橫吹月滿觴
碧雲低度玉繩傍
梁園此日遊

司馬漢史何人續議郎傾國猶憐一再笑臨池爭
羨十三行歌呼夜聚星仍客丞相能容鼓吏狂

其二

斜日新亭涕一觴笙歌重繞鳳臺傍誰令麋鹿游
江左近報旌旗指夜郎萬里秋風號大漠百年生
事送戎行英雄酒色埋孤憤腸斷瓊簫未是狂

送仲調南還和澹心扇頭韻

日斷吳雲起塞鴻蛾眉何意逐飛蓬九秋扇冷流
螢月三徑花搖朱雀風玄圃自扶鳩杖永燕臺爭

識駿圖空登高日落偏愁思畫角聲中錦樹紅

其二

奏賦懸看擁傳歸桂叢猶許北山依亦知孟博難
辭黨豈有袁宏竟築扉黃葉近秋雙鬢短朱絃得
汝一彈稀滔滔薄俗憂龍亢愛有冥鴻比翼飛

再疊前韻二首

賃春歌擬逐梁鴻旅興蕭條霜後蓬惜別燈青蘿
徑雨銷愁酒重石尤風無言籍福紛難解漸惜荆
軻客易空共汝釣船烟水去荻蘆漁火射潮紅

其二

帶甲江湖何處歸側身劉表幾堪依
好收北闕秋風淚一扣南山夜雨扉
名姓早從金馬著波濤翻羨白鷗稀
停樽心醉韋弦語薊苑浮雲不忍飛

王伊人大行南歸省覲

京雒塵中一客歸千山涼報薜蘿衣
頻看別酒心疑醉纔話扁舟夢欲飛
烏鵲星移高樹出鱸魚計就早秋稀
碧霄清湛梧桐露長傍人間愛日暉

其二

長河過雨動鷗群沙磧鴻歸處處聞吹角暮寒燕
市月鳴榔天濶太行雲風波世事江關急南北軍
儲廟筭分早晚甘泉思扈從仲宣詞賦正繽紛

吳雪航招同金豈凡司馬飲羅欽瞻侍御寓
園時欽瞻以言事謫

桑乾水脫遠鴻愁載酒人過薜荔幽擊筑未須悲
失馬入林還許聚輕鷗殷勤舊雨酣中聖搖落吾
徒似暮秋醉閱雲霄車騎過葡萄安肯換涼州

其二

白眼相看惜路難
高齋竟夕且爲歡
雨過荷菱秋
偏濕芳訝蘭蕙晚
竟殘萬事浮雲仍
進酒一時朱
戶儘彈冠不嫌中
散書頻絕技尉厨
頭足歲寒

其三

紅蓼花間倒玉壺
歌從耳熱奏烏烏
已知生事安
叢桂未信天心厭
伏蒲勁草風霜高
二華扁舟蝦
菜憶三吳乾坤水
旱仍金甲賈傳終
辭涕淚無

九日邀同何榕菴
成二鴻吳岱觀韓
聖秋紀
伯紫鄧孝威李素
臣陸吳州王玉式
白仲

調何漢源王燕友集慈仁寺毘盧閣登高
遂飲松下用少陵九日諸韻

碧露幽林天地寬紫螯黃菊愜清歡興酣欲進中
山酒風急全愁神武冠聞海檄飛鯨浪湧吳江橋
壓鱸盤寒五陵高會笙簫起多少雲峰冷眼看

其二

悲歌燕趙易傷神風葉蕭蕭易水濱
將折碧鷄雲迓大旗新高秋自壯橫汾曲清蹕猶
思諫徹人宮闕嵯峨烟樹繞天隅誰信暫烽塵

其二

千載燕昭遺霸略黃金尙憶築高臺三韓氣挾居
庸入萬里秋從碣石開地赤江淮征輓迅甲移湘
楚蠟書來期門火映金溝月悵望銅龍不忍催

其四

霜青鵬急萬山哀插羽鸞孤此路迴玉輦晝聞宮
漏靜繡幢遙自海西來三雍禮已陳經幄九譯名
應惜露臺兵革頓消人賜復浮生安敢負銜杯

秋日送雪堂夫子守制歸豫章

天意如聞脈治安清流幾日領鴛鸞心知小草雲
霄倦道盡門蘭雨雪寒雞骨自肩名教重犢車偏
載主恩寬蕭蕭落葉金溝滿回首風塵不可看

其二

京雒龍門客罷登素車斜日遠觚稜曾持大義規
溫嶠實恐高名累彥升松月迥勝金掌露萼絲秋
映玉壺冰亦知苦棘非奇節近訝臯夔有不能

其三

當年烽火隔林丘抗表爭傳有報劉自戀烏巢辭

北闕那堪雞絮向南州人過督亢衣冠白鴈到章
江草木秋擊筑五陵稀舊侶悲歌不敢薄封侯

其四

沙荻霜高絡緯鳴天涯歸去舊柴荆肯容車帛污
廉范日有賓朋歎謝貞薜荔稱身居士服蓼莪沾
痛及門情一犁辛雨蒼生淚兵甲懸銷丙舍耕

其五

中朝龍戰幾玄黃到眼青蠅正陸梁自許義聲排
大難每持高節傲明光瞻雲久促名山駕去國全

沾野老裳猿鶴尋盟纔隔歲柴桑風日未應荒

其六

春郊結伴愛同歸滄海滔滔此拂衣避輦蛾眉千
載妬抗衡虎口一身微青雲賓客初開閣白日江
湖遽掩扉入座彭宣今漸老能禁絳帳手頻揮

其七

秋滿中原鼓角高牙旗諸道出烏號行經河朔千
軍壘心落江門八月濤故國丹楓催白髮邊城殘
月送征袍羊腸態仵浮雲轉築室先封仲蔚蒿

其八

赤烏方占 帝眷深栖栖謝傅只中林百年薇蕨
幽人事一片膺滂國士心何惜行藏偏側目卽看
桃李徧成陰哭殘風樹還饘粥膚寸爲霖又自今
送玉式叅閩浙幕府事

東亭標格重叅軍虎帳驪樽此送君都護樓船開
海月壯遊衣馬動江雲頭風坐愈名王檄掌畫群
推處士勲鐃吹曲成翻玉笛求豐垂柳禁中聞

玉式

曹爲中
費舍人

定山堂詩集

卷一

七

其二

一路鳴笳眺碧山
霜天飛騎捷書還
虛疑此採工
三語實用雄文莫
百蠻鐵弩夜潮君
子陣
幔亭雲
氣美人顏
軍中高宴陪劉表
可憶金門對酒閒

爲紫玄留行和孝威

芙蓉海國片飄歸
春霽那江別袂揮
三歲飄萍逢
舊雨一行寒鴈澹
秋暉
麻鞋往事金光憤
宮錦同
時玉勒肥
悵望雲門彈寶瑟
數峰青已隔湘妃

其二

秋盡盧龍畫角哀朔雲宮樹晚登臺六朝丘壑
名士列國文章起霸才龍腹可容滄海臥鳳毛又
見碧山開爲令嗣宗
袁武承十年奏賦長楊地忍聽驪駒
陌上催

爲紫玄送別和孝威

春雨堂開賦采薇中林瑤草憶芳菲鳳凰枝在秋
先老虎兕歌成道不非白首故人牽往轍青山今
日信初衣從誇碧艇菰蘆遶皓月曾同臥石磯

其二

寒楓落盡古溝頭黃鶴吟成此壯遊天與茅容雞黍福世宜畢卓蟹螯謀朝雲鏡倚雙蛾綠夜雨書銷獨鹿愁釣瀨一星因客重雲臺風物已先秋

送荒隱主人歸蓬蒿同見宋聖秋賦

隔歲蓬蒿月乍晴朱絃醉傍玉壺鳴重來仙棹移江柳幾日秋風憶楚蘅虎觀經方橫石鼓鴻飛心已度蕪城還期歸轍停叢菊小圃年年看落英

其二

紅蓼青楓早計程竹溪風日滿檐楹藏身酒婦思

公子使氣蕭曹過列卿金角未迷芳艸路玉簫猶
挾唾壺聲故山猿鶴能招隱一夜扁舟夢盡生

讀客爲素臣書詩卷有感

當門蘭罪本堪鋤有客頻過慰索居往事似曾援
曲逆窮交終未負陳餘情當羅雀誰先薄性不馴
龍敢諱疎已報翹材成馬廐莫辭珍重袖中書

其二

按劒心從白首寒羊腸路任轉千盤君房足下猶
亡恙范叔車中久自安佐關漸疑人欲倦交歡亦

訝事多端片帆逐爾孤蘆去京雒塵應避釣竿

素臣將遊武林

十月寒楓送去船西湖垂柳約春潮到時陰雪銷
歸鴈回首青天憶射鵰老樹六陵凋戰伐名山終
古讓漁樵飄零有客思叢桂爲爾心輸玉勒驕

成二鴻歸大寒樓詩以送之同孝威分賦

愛君真欲阻君行忽漫扁舟散渚萍留到九秋詞
轉拙話偏一夕夢難爭燈前蓬鬢憐叢菊別後桑
乾有鴈聲看徧五陵衣馬態十年應不悔埋名

其二

王粲哀時獨倚樓，佳辰頻共酒壚游。
他鄉今夕真何夕，我輩言愁竟欲愁。
檣燕濁河風漸勁，秋螢長信月空流。
莫因廣武增悲慨，天下英雄此舊丘。

其三

薜荔重栽未嫁衣，剡溪乘興送秋歸。
百年兄弟初蘭佩，九月風霜織錦機。
苜蓿味難肥紫塞，蓬蒿侶已謝黃扉。
滄洲日落仍迴眺，未覺狂奴擊筑非。

其四

芳忌當門蕢蕢蓄青山一笑失群喧自憐張翰江
東船不牧公孫海上豚絲竹半生同馬帳梅花千
里鷓鴣村樓高臥讓元龍穩世路風烟未可論

題大寒樓卽用二鴻原韻

片颿歸尚及秋風水國蘆茭津樹東駕返名山留
白氍毹鳴石澗倚青桐柴車挽借眠花犢逸興濃
如飲澗虹畏路豈容人多手萬峰冰雪一明農

其二

霜重盧龍折柳時攀條不似昔年枝客星初動青

油舫鄉夢疑隨碧月卮采隱地猶寬戰伐衣文人
自未磷淄肯嫌碧澗秋蓴冷多少風塵羨釣絲

其三

茅齋小結亂雲低陰雪全封谷口栖鶴破曉烟重
洗衲嚮開丹爍自藏梯得歸可許堅龍臥此出聊
如過虎谿末俗風波銷骨盡懲羹吾亦學吹鑿

其四

仙人終古好樓居晉魏花迷洞口漁靜夜水香開
白墮草堂人遠隔青徐管寧海上藜穿榻陶令門

前柳覆輿爲約耦耕成小築間關眼已倦犀渠

再疊前韻四首

百尺樓開萬里風振衣人自傲墻東烟浮震澤晴
垂釣露碧空山夜沈桐岐路未須哀失馬夕陽猶
似亘長虹中林薇蕨經秋盛秉耒還同石戶農

其二

肯似機雲入雒時月明烏鵲繞南枝全携鴻漸清
泉味一滌荆卿濁酒卮皂帽風高渾欲墮素衣塵
去不爲緇客星實愛桐江冷鼎鑒東京有尺絲

其三

秋殘北固落楓低
蘿薜天留處士栖
途盡豈容施白眼
俗違真自勝丹梯
凍迴虎兕啼千嶂
月黑蛟龍鬪一溪
天外人歸重掃徑
吳江橙橘壓霜虀

其四

拂龜難定轉蓬居
江海頻憂竭澤漁
此地烟霞栖管樂
中原兵甲散應徐
鴻消雪爪知辭弋
鳳老雲輝嘆接輿
登陟早乘筇杖健
水經名勝補河渠

和答陳藹公兼懷秋嶽滙思

定山堂詩集

七言律詩
三五

卷三

一軍旗鼓井陘東
壁壘高懸百尺虹
望遠共歌天馬曲
論才誰敵建安風
秋經大漠聞迴雁
賦就長楊有射熊
自愛元龍湖海氣
東京名士薄三公